

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Meditationum evangelicarum volumen tripartitum

Creidius, Hartmann

Francofurti ad Moenum, 1682

De tertio

[urn:nbn:de:bsz:31-122776](#)

enim locus est, in quo memoriam nominis sui Dominus collocavit, & benedictionem, omnibus ibi convenientibus & orantibus promisit, Exod. 20. v. 24. Sed pauci observant, libentius visitantes domum compositionis, quam orationis, propterea tandem a justo Deo ad dominum luctus detrudentur, Eccles. 7. v. 3.

2. *Indefessa oratione.* Nam Deo serviebat orationibus die ac nocte. Oratio enim justi multum valet, si seria sit, Jac. 5. v. 16.

3. *Recta corporis moderatione.* Nam sobriè vixit, & jejuniis carnem subegit, quæ alias adversus spiritum concupiscere solet. Gal. 5. v. 17. Jejunium est orationis adjutorium, ut inquit Chrysostomus, quæ a corde cibo & potu gravato ad cœlos difficeret ascendere potest Luc. 21. v. 34.

Ehæc est insignis illa Hannæ Prophetisæ commendatio, jam *Confessio* ejus quoque ponderanda est, quam edit

1. *Intrepidè.* Nam eo ipso momento, quo Simeon Christo benediceret, superveniebat, sic trax auch hñgū / verit Lutherus. Non timet Pontifices, Scribas, & Phariseos, qui filium illum fabri pro Messia agnoscere nolebant; non timet etiam Herodem & ejus ministros, qui infanti huic insidabantur, sed accedit intrepidè, & confessio nem suam de Christo publicè profert, quod & nos imitari oportet. Nam qui confitetur me coram hominibus, confitebor & ego eum coram Deo, Matth. 10. v. 32.

2. *Devotè.* Nam cum gratiarum actione orditur, & Deum ob promissionem & exhibitionem filii sui glorificat. Idem & nos decet. Nam bonum est confiteri Domino, & psallere nomini tuo altissime, Ps. 92. v. 2.

3. Congruè,

1. *Ratione subjecti.* Nam de Christo loquitur, quod is ipse sit promissus patribus Messias, & ita benedictionem Simeonis confirmat. Loquamur etiam de Christo in omnibus sermonibus nostris, & omnem turpitudinem aut stultiloquium aut scurritatem vitemus, quæ Christianos non decent, Eph. 5. v. 4.

2. *Ratione objecti.* Nam ad omnes loquitur, qui expectabant redemptionem Hierosolymis viventium, quorum numerus certè fuit peregrinus. Nam vera Ecclesia non consistit in multitudine, sed grex pusillus est, Luc. 12. v. 32. populus pauper & egenus, Zeph. 3. v. 12, quem Christus grano sinapi comparat, Matth. 13. v. 31. Cave igitur, ne offendat te facies Ecclesiæ vilis & despecta, semper aliquos relinquat Deus, qui genua sua non incurvant ante Baal, I. Reg. 19. v. 18.

De Tertio:

REstat adhuc pars Evangelii tertia, quam breviter percurremus. Duo enim potissimum ibi notanda occurunt

I. *Est, parentum reversio.*

II. *Christi acrecio.*

Reverso describitur

1. *a temporis adjuncto.* Nam peractis secundum legem Domini peragendis, reversi sunt, inquit Evangelista. Hodie multi vix ingressi templum de egressu cogitant, & prælectionem textus non expectant, aut in media concione se foras proripiunt, de precibus aut benedictione Ecclesiasticâ, parum solliciti. Sed hypocritæ sunt, & sacra tantum obiter tractant, contra Sir. 1. v. 36. c. 18. v. 23. Matth. 15. v. 8.

D

2. *a do-*

2. à domicili termino, qui est Civitas Nazareth, sita in Galilæa, ubi Joseph & Maria habitarunt, hinc urbs ipsorum dicitur. Regio tota propter sterilitatem contemta erat, vide Joh. 7. v. 52. & in primis urbs Nazareth. Hinc Nathanael ad Philippum: nunquid à Nazareth, inquit, aliquid boni venire potest? Joh. 1. v. 46. Sed Joseph & Maria cum Filio suo, ibi degebant. Hoc tibi in solatium applica, cum in parvulo etiam & contemptu oppidulo habitas. Si enim Christus cum verbo & Sacramentis ibi domicilium suum habet, oppidulum illud Româ præstantius est. Proinde contentus es forte tuâ. In magnis Civitatibus enim magna etiam peccata grassari solent. Hinc Paulus, ignobilia inquit, mundi & contemtibilia elegit Deus, 1. Cor. 1. v. 28.

Accretionem Christi quod attinet, illa triplex est.

1. *Externa*, ratione statuaræ, quâ sicut alii pueri quotannis crevit, ut per omnia

fratribus similis esset, excepto tamén peccato. Eb. 2. v. 17.

2. *Interna*, ratione donorum spirituallium, nam sapientia, intellectus judicium, & alia dona habitualia magis magisque se in ipso exeruerunt, ut aliis pueris ejusdem ætatis fuerit excellentior. Nam præcellere debuit aliis tanquam primogenitus.

3. *Superna*, ratione unionis personalis, quâ in ipsam r̄b λόγy τοῦ σωτῆρος caro evenit, & majestate omnipotentiae, omniscientiae, omnipresentiae ab ipso puncto Conceptio-nis donata est, sed in statu exinanitionis occultavit, & non nisi quando, ubi & quomo-do voluit, particulariter tantum usurpavit, Phil. 2. v. 7.

Hinc apparet, Christum esse verum, sed non nudum hominem, contra Marcionitas, Arianos, Photinianos, & alios, qui veritatem humanæ, & majestatem divinæ ejusdem naturæ impugnant. Quiescite ab homine, qui spiritum habet in naribus, excelsus enim reputatus est, Ef. 2. v. 22.

In Feste Circumcisionis

Evangelium Luc. 2. v. 21.

IN veteri lege annum incipiebant Judæi eo tempore, quo agnus paschalis macabatur, & sanguine ejus postes & superliminaria domorum conspergebantur, idq; in perpetuum liberationis argumentum, juxta mandatum Dei, quod in formalibus ita sonat: Mensis iste vobis principium mensium, primus erit in mensibus anni, Exod. 12. v. 2. seqq.

Nos hodie incepimus annum nostrū, quo Christus JESUS agni paschalis antitypus, 1. Cor. 5. v. 7. divina ita disponente gratiâ sanguinem suum in circumcisione cœpit effundere, & ita guttulas primas quasi signum & pignus plenariæ redēptionis in Passione exanthlandæ, præmisit, ut prælectum testatur Evangelium, quod duabus partibus constat.

J. Eſſ